



Fulan salesianu

SDB no FMA

HAFUTAR AN HO KÓR KSOLOK NIAN

Oratóriu iha Tímor: Uma fiar nian



KONTEUDU

Ba tempu ida-idak imi sei hetan:



Atividade sira




Jogu sira




Istória sira



*Dom Bosco
nia esperiênsia*



Imajen



Orasaun



ATIVIDADE sira

1

Fó ba oratorianu ida-idak kartu ki'ik oan ida iha ne'ebé nia sei hakerek **Ami Aman**. Iha kotuk nia sei hakerek ninia naran. Oratorianu ida-idak holapis kór bele pinta kartu ida ne'e tuir ninia gostu. Hafoin tau kartu sira hotu hamutuk. Durante orasaun ida, oratorianu ida-idak sei ba dada kartu ida: iha semana laran, kalan kalan nia bele reza Ami Aman hodi tau intensaun ba ninia kolega ne'ebé tau ninia naran iha kotuk.

2

Ita foin celebra misteriu Inkarnasaun nian: Maromak halo An ba ema, atu bele besik liután ita. Bele fó ba oratorianu sira rivista sira ba jornál hodi husu ba sira ida-idak atu hili foto ka dezeńu ida ne'ebé, tuir sira-nia hanoin, bele representa Maromak nia ilas. Hili tiha foto, sira sei tau título ba foto ida ne'e no sei halo "mostra" ho komisaun ida ne'ebé hili foto ida ne'ebé di'ak liu.



Iha Livru Profeta Isaías nian, Maromak dehan "Ha'u pinta ó-nia ilas iha Ha'u -nia liman" (Is 49,16) : Maromak la bele haluha ita, tanba ita-nia ilas hamutuk ho Nia nafatin.

3

Fahe oratorianu sira be grupu no fó surat-tahan ida ba oratorianu ida-idak, nia bele tau nia liman no tuir ho lapis liman nia ninin. Iha liman nia forma laran, nia bele hakerek iha laran atitude ida ne'ebé presiza husu ba Maromak atu bele hatudu Ninia domin ba maluk sira. Tuir mai bele tesi liman sira ne'e no grupu ida-idak tau hamutuk ninia liman sira iha parede ida ka iha surat-tahan boot ida nune'e grupu sira seluk bele mós haree buat ne'ebé grupu ida-idak halo.



JOGU sira

1

Imi iha faru atu fa'an

Animadór sira bele hanorin ba oratorianu sira bans/jogu ne'ebé sira aprende iha Quelicai. Hili animadór 1 ka na'in 2 ne'ebé sai loja na'in. Sira seluk sei hamriik iha sira nia oin no hodi haksoit sei husu: "Imi iha faru atu fa'an". Sira na'in 2 hatán: "Ami iha, ami iha, ami iha". Hotu-hotu husu fali: "Imi iha kór saida?" Sira na'in rua sei temi kór ida, no sira hotu ne'ebé hatais faru ho kór ne'ebé temi sei halai iha loja na'in nia kotuk. Hafoin diálogu hahú fali, maibé sira hotu ne'ebé hamriik iha loja na'in nia kotuk sei haksoit hamutuk ho nia no sei hakilar kór hamutuk ho nia. Temi tiha kór foun, sira ne'ebé iha loja fatin nia kotuk sei ba fali iha sira-nia fatin hodi husik fatin iha kotuk ba sira ne'ebé foin bolu.

2 Koko ha'u-nia dansa

Bainbain iha Timor, bainhira hakarak espresa ksolok, ema dansa, tan ne'e, ita sei espresa ita-nia ksolok ho dansa ida... oin seluk uitoan!

Materiál: musika, surat-than ki'ik-oan sira; iha surat-tahan ida-idak sei hakerek: "inus ho inus"; "inus ho tilun"; "liman iha ulun", "liman iha kbaas"; "liman iha ain tuur"; "inus iha ain tuur"; "liman iha tilun"; "ain tuur ho ain tuur".

Halo oratorianu sira hamriik tuir par: par ida sei dada surat-tahan ida no sei lee saida mak hakerek. Sira ne'ebé dansa, tenke dansa tuir indikasaun ne'ebé lee; ez: liman iha ulun, oratorianu ida sei tau nia liman iha ida fali nia ulun. Sira hotu sei dansa ba minutu ruma no animadór sei hasai husi jogu sira ne'ebé la dansa loos. Depois de minutu ruma, par ida fali sei dada surat-tahan seluk no sei aumenta pozisaun uluk nian ho indikasaun foun. Ez: liman iha ulun, tuir mai ain tuur ho ain tuur...

Jogu kontinua to'o bainhira hela par ida de'it, hodi manán.

Ha'u-nia reinu furak tebes 3

Oratorianu sira tuur hamutuk no hili oratorianu ruma ne'ebé sai liurai (na'in 3 ka 4). Liurai ida-idak tenke apresenta nia an maibé liuliu saida mak ema halo iha ninia Reinu.

Ida-idak sei hamriik hodi dehan: "Iha ha'u-nia reinu sei halo nune'e...." no nia halo asaun ruma (hananu, dansa, joga bingo...).

Bainhira sira hotu apresenta sira-nia reinu oratorianu ida-idak sei ba hamriik ho liurai ne'ebé nia gosta, hafoin sira halo hamutuk hahalok liurai nian, maibé mós sira ba hakbesik kolega sira ne'ebé hili Reinu seluk, hodi dada sira atu troka Reinu. Husik sira ba minutu 5 atu buka emar sira, hafoin para musika no sura Reinu ida-idak nia emar na'in hira. Sei manán liurai ne'ebé dada ema barak liu.



ISTÓRIA

Katuas ida ne'eb'e kleur ona hadook an husi Kreda, loran ida hakotu atu ba hasoru Amo Paroko hodi hetan roman ba ninia problema fiar nian. Bainhira to'o Amo nia uma, iha ona ema ida ne'ebé ko'alia ho Amo Paroku. Husi kartoriu laran, Amo paroku haree katuas ne'ebé hamriik iha liur, nune'e nia husik lai ninia bainaka hodi lori kadeira ida ba katuas nune'e nia bele tuur. Bainhira ema ida ne'e hotu ona nia ko'alia, amo Paroku bolu katuas tama no rona ninia problema. sira na'in'rua ko'alia kleur, hafoin katuas hateten katak nia sei fila fali ba Kreda. Amo paroku hakfodak uitoan atu haree katak nia biban atu esplika ba katuas ida ne'e, nune'e husu ba nia: "Liafuan saida de'it mak halo senhor troka nia hanoin no fila ba Maromak?". Katuas hatán: "La'ós liafuan ida, maibé Amo ninia hahalok ne'ebé hatudu hodi lori kadeira mai ha'u".



DOM BOSCO nia esperiênsia

Dom Bosco rasik haktuir ninia esperiênsia:

"kalan ida, ha'u fila husi Sommariva del Bosco, maibé to'o Carmagnola ha'u tenke hein liu oras ida komboiu atu ba Torino. Tuku 7 ona, foin udan tau, nune'e iha abu-abu ne'ebé halo ema la haree malu. Iha stasiun laran, ahi ki'ik liu leno kuartu atu hein. Iha liur rona grupu labarik sira nian ne'ebé hakilar ba malu: "kaer nia... halai... hapara ida fali". Entre lian sira ne'e, iha ida ne'eb'e domina sira seluk, hanesan kapitaun ida nia lian. Mosu kedas iha ha'u hakaran atu ba hasoru labarik ida ne'e ne'ebé ho aten-barani no lalais hatene manda sira seluk. Momentu ida labarik sira haleu sira-nia xefe, nune'e ha'u ba hakbesik sira. Sira hotu halai, hanesan ema sira ne'ebé ta'uk, ida de'it hamriik metin, hakbesik ha'u no, hodi tau liman iha nia knotak, ho lian dezafiu nian, hateten mai ha'u: "Ó se loos, ne'ebé mai atu estraga ami-nia jogu?"

Ha'u mak ó-nia belun

Ó hakarak saida husi ami?

Se imi konkorda, ha'u hakarak haksolok no halimar hamutuk ho ó no ho ó-nia kolega sira.

Maibé ó se loos? Ha'u seidauk hatene ó.

Ha'u dehan ona, ha'u mak ó-nia belun, ha'u hakarak halimar uitoan hamutuk ho ó no ó-nia belun sira. Maibé ó se loos?

Ha'u? Ha'u se loos? Ha'u mak – nia dehan hodi hakilar – Miguel Magone, jerál jogu nian

Bainhira ami ko'alia, labarik sira seluk, ne'eb'e halai tanba ta'uk, neineik hakbesik ami no haleu ami. Ha'u ko'alia ba sira hotu, hafoin ha'u kontinua ho Magone:

HAFUTARAN HO KÓRKSOLOK NIAN

Miguel doben, ó-nia tinan hira?

Ha'u nia tinan 13

Ó ba ona konfessa?

Oh sim – nia hatán mai ha'u hodi hamnasa

Ó simu ona Komuñau Santa

Sim, ha'u simu ona

Ó hatene servisu ruma?

Ha'u aprende atu la halo buat ida

... ó nia inan sei moris?

Ha'u nia inan sei moris, no serbisu iha família ida. Nia haka'as an atu bele fó han mai ha'u no ba ha'u-nia alin sira, ne'ebé nakar liu.

Ó hakarak saida ba ó-nia futuru?

Ha'u hatene katak ha'u tenke halo buat ruma, maibé seidauk hatene halo saida.

Nia ko'alia ho sinseridade hodi hanoin didi'ak liafuan sira ne'eb'e nia uza, buat ne'e halo ha'u komprende katak se husik mesak, labarik ida ne'e sei hetan problema boot. No mós ha'u hanoin katak se bele gia ninia isin moris ne'e no ninia entusiazmu, nia bele realiza an iha ninia moris.

Ha'u ko'alia fali ba nia:

Ha'u-nia doben Magone, ó hakarak husik ó-nia moris sabraut ne'e, hodi aprende serbisu ruma ka kontinua ó-nia estudu?

Ha'u hakarak duni – nia hatán ho laran triste no atu tanis – ha'u-nia belun ruma tama ona iha kadeia no ha'u ta'uk katak buat ne'e bele mosu mós mai ha'u; maibé ha'u bele halo saida? Ha'u-nia aman mate ona, ha'u-nia inan kiak, se mak sei tulun ha'u?

Orsida kalan ó reza ho laran manas Ami Aman ne'ebé iha Lalehan; reza ho fuan tomak, hein husi Nia no ó sei haré katak Maromak sei tau matan ba ha'u, ba ó no ba ema hotu.




IMAJEN

Imajen ida ne'e, ne'ebé ema gosta uza atu representa relasaun entre Aman Maromak no ema sira, mak halo parte pintura sira ne'eb'e Michelangelo pinta iha Capella Sistina, iha Roma Vaticano. Iha Capella tomak nia didin ema bele haree istória salvasaun nian, husi momentu ne'ebé Maromak haki'ak mundu, liu husi Adão no Eva to'o Kristu nia redensaun.

Bele hatudu ba oratorianu sira no husu ba sira:

- ☛ Liman rua ne'e se nian? (Bele hatudu maromak no ema nia ilas kompletu)
- ☛ Tansa liman rua tau hanesan ne'e?
- ☛ Tuir imi-nia hanoin representa aspetu ida ne'ebé kona-ba Aman Maromak?



DOM BOSCO nia esperiênsia

Atu hahú tinan oratorianu

Na'i, ami hamutuk hamriik iha Ita-nia Futar oin, atu hahú ami-nia esperiênsia iha oratóriu.

Ho ami-nia an rasik, ami lori ami-nia hakaran atu hetan belun foun ruma, atu haksolok hamutuk,

No mós atu koñese Ita liuhusi Dom Bosco nia ezemplu.

Tulun ami atu deskobre katak, ho modun oinoin, Ita mak besik ami no hakarak lori ami ba ksolok rohan laek.

Na'i, fó bensaun ba ami-nia atividade sira, ba ami-nia animadór sira, liuliu ba ami-nia moris.

Haraik mai ami atitude maksimu nian, liuliu ba kolega sira ne'ebé foun, tulun ami atu la kolen hodi simu ema hotu, hanesan Ita halo ho ami.

Tulun ha'u atu simu ema hotu

Tulun ha'u Na'i, atu simu ema hotu hodi hamnasa midar, tulun ha'u atu kumprimenta kedas ema sira ne'ebé ha'u hasoru.

Halo ha'u aprende hein hodi la kole, no rona hodi la du'un matak ida ne'ebé ko'alia.

Tulun ha'u atu hatán bainhira maluk sira buka ha'u, atu fó bainhira maluk sira husu buat ruma

no atu fó fatin ba sira ne'ebé mai.

Tulun ha'u atu haree Ita iha ha'u-nia belun sira

No atu la'o hamutuk ho Ita no sira.

Halo ha'u sai belun ba ema hotu